

Izbori



Odnosi sa ključnim političkim akterima BiH su od vitalne važnosti za uspješnu provedbu političkih i programskih ciljeva Misije te kao takvi ostaju na vrhu prioriteta Misije. Putem Ureda za kontakt sa političkim strankama i izbore, Misija prati političke i druge relevantne aktivnosti u Bosni i Hercegovini i regionu i procjenjuje trendove koji mogu uticati na političku ili sigurnosnu situaciju i njen politički uticaj na provedbu mandata Misije u Bosni i Hercegovini.

Ured takođe pomaže u formulaciji odgovora Misije na složena, kontroverzna i osjetljiva politička i operativna pitanja te ima vodeću ulogu u odgovarajućem djelovanju. Putem redovnih sastanaka sa najrelevantnijim političkim akterima te sa državnim, entitetskim i lokalnim institucijama, Misija

čuva i dalje poboljšava radne odnose sa nadležnim bosanskohercegovačkim akterima. Prvobitni fokus Misije OSCE-a u Bosni i Hercegovini (Misija) na provedbi izbora ima svoje korijene u Daytonskom mirovnom sporazumu iz 1995. godine, prije nego što su relevantne nadležnosti prenesene na Centralnu

izbornu komisiju Bosne i Hercegovine (CIK) 2002. godine. Od tog iskoraka, Misija nastavlja da radi na širim inicijativama u vezi sa izborima. Vođena preporukama OSCE-ovog Ureda za demokratske institucije i ljudska prava (ODIHR) i Grupe država članica Vijeća Evrope protiv korupcije (GRECO), Misija podržava izradu izmjena i dopuna izbornog zakonodavstva i zakona o finansiranju političkih stranaka.

Misija saraduje sa CIK-om na unapređenju integriteta izbora i jačanju tehničkih kapaciteta izborne administracije, osiguravajući integritet i transparentnost.

Uz podršku Misije i međunarodnih donatora, putem vanbudžetskog projekta pod nazivom „Pružanje podrške Centralnoj izbornoj komisiji (CIK) Bosne i Hercegovine (BiH) u provedbi općih izbora u BiH uz poštovanje međunarodnih standarda o demokratskim izborima“, Centralna izborna komisija je bila u mogućnosti da po prvi put uvede u upotrebu prozirne glasačke kutije tokom Općih izbora 2018. godine. Pored toga, Misija je organizovala obuke za sve članove općinskih izbornih komisija o korištenju platformi za izvještavanje o izbornim rezultatima i o unaprijeđenom CIK-ovom softveru.

Nedavno je, uz podršku Misije SAD-a pri OSCE-u i UN-u, naša Misija provela izborni vanbudžetski projekt pod nazivom „Unapređenje izbornog procesa 2022. godine u BiH u skladu sa ODIHR-ovim preporukama“. To je imalo za cilj da poboljša izborni proces 2022. godine u BiH na cjelovit način, unapređujući relevantne kapacitete, između ostalog, izborne administracije, pravosuđa, policijskih agencija i građana.

Uz podršku Vlade SAD-a, Misija je provela projekt pružanja podrške CIK-u putem kreiranja softwera za internetsku registraciju glasača putem pošte, političkih stranaka i kandidata te izbornih posmatrača. Takve aplikacije značajno smanjuju rizik od prevare, ograničavaju ljudsku grešku, smanjuju troškove i obim posla Sekretarijata CIK-a te uveliko povećavaju transparentnost izbornog procesa.

Tokom političkih razgovora održanih na visokom nivou, na temu izborne reforme, u Neumu i Sarajevu u januaru i martu 2022. godine, Misija je pružila značajnu podršku u diskusijama o izmjenama i dopunama Izbornog zakona BiH. Misija nastavlja da saraduje sa partnerima na svim nivoima sa ciljem da unaprijedi integritet glasanja i, iznad svega, da izgradi povjerenje građana u ovaj ključni proces.

Misija će nastaviti da pruža podršku CIK-u, nadležnim institucijama i organizacijama civilnog društva na daljem usklađivanju zakona i prakse sa obavezama država članica OSCE-a i ključnim međunarodnim standardima te da podstiče punu provedbu relevantnih zakona i preporuka ODIHR-a.

Pratimo odgovor pravosuđa na napore usmjerene ka tome da se ugrozi integritet izbornog procesa.

U vezi sa Lokalnim izborima 2020. godine i Općim izborima 2022. godine, Misija je iskoristila svoje široko iskustvo praćenja sudskih postupaka i kapacitet da prati odgovor sistema krivičnog pravosuđa na aktivnosti koje su imale potencijal da ugroze integritet izbornog procesa. Ključna pitanja koja je uočila Misija uključuju neefikasno procesuiranje prijavljenih slučajeva, nizak nivo saradnje između nadležnih aktera, uključujući sklonost ka tome da se trivijalizuju takva krivična djela, nedosljednu tužilačku i sudsku praksu, uključujući blagu politiku sankcionisanja te neadekvatan sistem evidentiranja podataka. Ovi nalazi će poslužiti kao osnova

razgovora Misije sa Centralnom izbornom komisijom i Visokim sudskim i tužilačkim vijećem BiH na ovu temu.



Za više informacija
skenirajte QR kod.

